

云此古聖像且晚有異光湧現土人誤毀之蓋棄置埋沒此間
久矣于是馮子中心矍然乃披而出之命工重加修整爲
呂帝像仍歸之白雲洞中與大赤崇奉唯謹因得
呂帝降示丹訣洞徹玄奧震贖啟聾洵至寶也

東溟顯聖

東溟大將軍陳洪範兒時遇道者眼光射人熟視公曰孺子勉
之異日統數百萬貔貅爲國家干城幸自愛詢之知爲呂帝已
未春會遼左四路進師陳公當後勁大軍失利被創墮馬僵卧
草中見兒時所遇道者相慰勞云救尔者至矣旋聞馬蹄聲數
百跟踰竟路遂以馬乘將軍疾馳而歸始信呂帝之記蒞不虛
道藏輯要

聖蹟紀要

事

壁集五

耳將軍念呂帝與有夙緣節鉞所至必爲立祠甘肅石城招寶
皆祠之其在家則爲祠於紅螺山麓最後鎮昌平平齊凱旋構
鈴閣右隙地建堂三楹內舍爲丹室崇門邃扃視諸祠尤雄麗
董尙書其昌爲書所遇始末勒之石至今巋然存焉

